

www.BibleForChildren.org



Zon 14



Yesu ibüka bóktanórr wagó, "E gyakolaegu akó kolae
gyagüpgu. Amkoman yangunam Godón akó amkoman
kangunam kürü. Kürü Aban müótüdü abün marrguasko.
Obae ne nóma ki yarile, ka yabü koke ki nilnünüma."




"Ka sab marrgu tómbapónóm wamo. Da marrgu tómbapóna nóma blakóne, ene kakóm, ka ugón tolkomolo yabü azebóm kókó kólbaka; igósidi e sab we koralo ka negla."



Ka, Zon, yabü zonaret, ka yabü kamadla müp
apadóm akó azid aengóm. Ka yenkümla Godón
Kingzan Balngomóldó akó ka yenkü


karrkukus zamngóldóla,




mi Yesuka
dabyórrünzanakla.



Kürü kaodó küngrinóp, ngi Patmos, zitülkus ka
Godón bóktan amgol namülnürrü akó Yesu
ne amkoman bóktan pupo bain yarilürr.



Büzyón babul, Godón Samua kürüka tübangrinürr akó
wa kürü alngomól yarilürr. Da módóga, kürü obzek
kwata, ka darrü kingan mórran kla eserró kwitüdü.
Darrü oloma mórran yarilürr ene klamdó.




Olgabi ka blaman arról elklaza arrkrru namülnürrü
kwitüdü, tüpdü, auma түp kugupidü, akó maludü,
akó blaman ne elklazako ibü
kugupidü, igó bóktankü wagó, ...




... "Ene kingan mórran klamdó nótó mórranda akó
ene Sip Kupo, pamkolpama ibü agür ki koralón akó
ibü wirri ngi ki nótenóm, akó ibü
ngi wirri kwitüm amel ki koralón,
akó i balngomól arüng ki ipüdam,
metat-metat!"




Ka Gyabi Wirri Basirr eserró, ene küsil Zerrusalem,
kwitümgabi abindi Godkagab. Ene wirri basirr
arrearrón kolzan püti airrün warilürr müórankü, wa
ne pam amiógüm kaindo.




Olgabi ka wirri bóktan bómgól arrkrrurrü ene kingan mórran klamdógab, bóktande wagó, "Sazil, Godón ngyaben marrgu errkya pamkolpampüküma, da wa sab inkü ngyaben yarile. I sab oya pamkolpam kwarile, akó wa sab tüób ola yarile inkü, akó wa sab ibü God yarile."



Olgabi ene anerrua kürü arról-gail naepükü tobarr
kómtyanórr olmeande God akó Sip Kupo ibü kingan
mórran klamdógab, [kolkal] ne kla yarilürr
kristalzan.



Ene wirri basirran myamem abüs ó melpal zyón amkün
babula, zitülkus Godón wirri zyóna oya zyón apóna,
akó ene ne Sip Kupo-e oya zyón klamzana.



Darrü tómanpükü
klama sab kokean
bangrine, akó darrü
büódan tulmil
tómbapón olom ó
obae tiz olom, sab
kokean bangrine.
Ene wata sab we
pamkolpama
barrbüne, ene nibiób
ngi wibalómórrónako
ene Sip Kupoan
[ngarkwat-koke
arról] pebadó.




"Wa sab blaman yarmurr
norrgorre ibü ilküpdügab.
Pamkolpama sab myamem koke
nurrbarin kwarile. I sab
myamem yón gyaurdü koke
kwarile ó yóndü ó azidüdü,
zitülkus ene ngaep elklaza
tibiób tulmilpükü myamem sab
babulan kwarile."



Sab myamem amórr bóktan babul yarile. Ene ne
kingan mórran klame, Godón akó ene Sip Kupoan,
sab wata ene wirri basirrdü yarile, akó oyankü nidi
zagetódako, sab oya [ótók] kwarile. I sab Godón
obzek esenórre akó
oya ngi sab ibü
müóngdü kwarile.



Da ka blaman бүдүл pamkolpam nósenarre, wirri ngi akó kari ngi is, ene kingan mórran kla obzek kwata bórrangde. Darrüpa peba tapanukuóp. Da akó darrü peba tapakurr, [ngarkwat-koke arról] peba ne kla yarilürr. Olgabi God ibü zaz ninóp tibiób tórrmen ngarkwatódó, ne kla wibalómórrón kwarilürr ene nis pebadó. Darrü oloman ngi ne wialómórrón babul nóma yarilürr ene ngarkwat-koke arról pebadó, da wa wata ene urpükü maludü amanik olom yarilürr.



Godón Samu akó ene arrearrón kol bóktandamli wagó,
"Yao!" Nótó arrkrruda, wa ta ki bóкта wagó, "Yao!"
Naem nótóka, wa ki tam; ubi nótóka, wa ene
arról-gail nae popa ki enó, darrem-koke.



Godón moboküpdü wirri ubi yarilürr ini
tüpan pamkolpamdó, igósüm wa kürü ibü
kókyanórr, tóbanan darrpanan olom,
kürü amkoman nidi kangurre,
kokean bamrükrre, a i ma sab
ngarkwat-koke arról
ipüdórre.



Rrom 3:23 blaman pamkolpama kolae tonarr tómbapórrre
akó blaman igósidi gaodó kokeako Godón
[wirri kómal zyón] amrranóm.

Rrom 6:23 Zitülkus módóga, kolae tonarran darrem
ngarkwat-koke бүдүлa, a Godón [gyaur] kla módóga,
ngarkwat-koke arról Kerriso Yesu mibü Lodkama.

Ibrru 9:27 God ngaen ingrinürr wa, blaman pamkolpama
wata sab darrpan mün nurrbarile, akó ene kakóm,
God sab ibü zaz nirre.

Epesus 2:8,9 Zitülkus módóga, ene Godón gail
tonarrdógabi e zid bairrünakla, yabiób amkoman
bangundügabi. Ene igó kokea igó, e darrü kla
tónggapónarre Godón yabü zid bainüm, a yabü zidbain
Godón [gyaur klame]. God yabü koke zid ninóp yabiób
tórrmendógabi, igósüm darrü oloma koke
ki ikub bagür yarile.



Rrom 10:9,10 Ene bóktan inzana wagó, ma ne nóma bóktano moba taepurri wagó, "Yesu wa [Lode]," akó moboküpdü amkoman angun namulo igó, God oya irsümülürr бүдүлдүgab, marü sab zid mine.

Zitülkus módóga, tóba moboküpi nadü oloma Yesun amkoman yangune, da God oya igósidi dümdüm tonarr olomóm ine. Akó tóba taepurri nadü oloma bóktóne igó, Yesu wa Lode, da God oya igósidi zid ine.

Zon 3:16,17 Godón moboküpdü wirri ubi yarilürr ini tüpan pamkolpamdó, igósüm wa kürü ibü kókyanórr, tóbanan darrpanan olom, kürü amkoman nidi kangurre, kokean bamrükrre, a i ma sab ngarkwat-koke arról ipüdórrre.

God tóba olom ini tüpdü igósüm koke zirrsapónórr pamkolpam zaz bainüm akó [kolaeen darrem] aliónüm, a wa ibü zid bainüm zirrsapónórr.



1 Zon 5:11-13 Akó ini wa ene bóktana: God mibü
[ngarkwat-koke arról] tülinóp, akó ini arról oya
Olomdóma. Olom asi noakama, oya ngarkwat-koke arról
asine; Godón Olom babul noakama, oya ngarkwat-koke
arról babula. Ka ini elklaza yabüka wialómdóla, Godón
Oloman ngi amkoman nidi angundako, igósüm e umul
kwarilo igó, yabü ngarkwat-koke arról asine.



Zon 14; 2 Korrint 5;
Okaka Amzazirrün Kla 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Gizzra Bible (tof) © 2019, Wycliffe Bible Translators,
Inc. All rights reserved.

<https://www.bible.com/bible/3574/MAT.1>

©2026 Bible for Children, Inc.

www.M1914.org

www.bibleforchildren.org

